

Pepa o Mea Moni i Ovataimi Mo Tagata Tausima'i Taitoatasi

O le pepa lenei o faamatalaga moni ua fuafua e fesoasoani i Tausima'i Taitoatasi ia malamalama i tulafono e faatatau i tapulaa o vaiaso faigaluega ma ovataimi. Faamolemole faafesootai le pule o le mataupu o le tamaitiiti pe asiasi atu i le www.dshs.wa.gov/altsa/IPOT mo nisi faamatalaga atili.

FAAMATALAGA LATUTELE MO OVATAIMI

1. O le ā le vaiaso faigaluega?

O le vaiaso faigaluega e amata i le Aso Sa i le 12:00 a.m. (vaeluaga o le po) ma uma i le Aso Toonai e sosoo ai i le 11:59 p.m.

2. O le ā le Tapulaa o le Vaiaso Faigaluega (WWL)?

O le WWL o le aofaiga o itula o le tautua atonu na e faigaluega ai i le vaiaso faigaluega. O le tulafono 2016 a le Setete a Uosinitone na faataatia ai se tapulaa o itula e mafai ona faigaluega ai i le vaiaso faigaluega. O IP uma lava e iai tapulaa o le vaiaso faigaluega (WWL). Faatoa mafai lava ona e faigaluega e oo atu i na WWL pe a tofia atu na itula mo oe mo se tagata ma'i e toatasi pe sili atu foi ma o le tagata ma'i o e galue ai e agavaa o ia e maua na itula. E ono le mafai ona tofia atu i le tagata ma'i itula e sili atu nai lo itula ua faatulaga i a latou Peleni mo le Tausiga. O le a fesoasoani le WWL e pulea tau o ovataimi ina ia mautinoa o loo mafai ona maua pea tupe mo tautua mo i latou uma o loo manaomia.

3. E faapefea e le DSHS ona faatulaga la'u WWL tumau ma e faapefea ona ou iloa la'u WWL tumau?

Sa pasia le tulafono a le setete ia Aperila 2016. Na faamautu ai e lenei tulafono le 40 itula WWL mo IP uma lava vanaga ai latou na faigaluega i se fua faatatau e silia ma le 40 itula mo tautua i le vaiaso ia Ianuari 2016. Na fuafuaina WWL e silia ma le 40 itula e ala i le Vaevaeina o itula totogi o tautua a le IP ia Ianuari 2016 i le 4.33 ma faaoga ai le fua e kuata itula mo isi minute e totoe ai. I a Me 2016, na meli au ai e le DSHS faaaliga i IP na faigaluega ia Inuani 2016 ma a latou faamatalaga WWL. E leai se WWL e faigaluega tumau e mafai ona sili a'e ma le 65 itula. Afai na amata ona e galue o se IP ina ua tuana'i Ianuari 2016, o au itula faigalega e 40.

4. E faapefea pe a ou manatu na sese le fuafuaina o a'u WWL tumau?

Afai ete manatu na sese le fuafuaina o lau WWL, e mafai ona faaoo atu sau talosaga i le pule o le mataupu a le tagata ma'i ma o le a autalu e le DSHS ou itula e tusa ai ma le Code 388-114-0050 a Uosinitone.

5. Pe e ono suia la'u WWL tumau?

Afai o lau WWL tumau ei le va o le 60.25 ma le 65 itula, o le a faaitiitia i le 60 itula ia Iulai 1, 2017 vanaga ua iai se suiga i le tulafono. A lē o lena, o le a lē suia lava lau WWL tumau i taimi uma e te agavaa ai e avefa ma IP. O le a tumau pea lau WWL e pei ona iai pe afai e motusia lau tautua ma toe foi mai o se IP i le lumanai.

6. O ā tautua o aofia i itula tautua o la'u WWL?

- Tausiga Totino
- Tausiga e Sui ai Se Isi
- Toleniga mo le Mauaina o Tomai
- Sina Malologa mai le Tausiga

7. Pe faaoga o'u taimi o faigamalaga mo la'u WWL, toleniga manaomia mo le DSHS, poo taimi totogi o malologa (PTO)?

Leai. O taimi o faigamalaga, toleniga manaomia mo le DSHS, ma le PTO e le aofia i lau WWL. O lona uiga e mafai ona e galue e oo atu i lau WWL i le faia o fe'au mo le tagata ma'i pe a oo ina manaomia, e oo i vaiaso e faapea ona tatau ai ona faia ou toleniga, taimi faatagaina mo faigamalaga, poo le aveina o PTO.

Pepa o Mea Moni i Ovataimi Mo Tagata Tausima'i Taitoatasi

TOTOGI OVATAIMI (OT)

8. E faapefea ona fuafuaina a'u taimi totogi o ova taimi (OT)?

E totogi oe i lou totogi masani mo taimi uma e te galue ai i le 40 itula i le vaiaso. O taimi uma e te galue ai e sili a'e i le 40 itula, e totogi oe i le 1.5 taimi o lou totogi masani.

O le faiga o le totogi IPOne e totogi le aofaiga atoa o itula e te faigaluega ai i le vaiaso i lou totogi masani (e faaupu faapea "totogi sa'o"). O loo faaalua ai le OT o se fua e $\frac{1}{2}$ mo itula (OT) ovataimi. O na tuufaatasaiga ua faapoopo faatasi mo le totogi atoa mulimuli.

Faataitaiga:

Na e faigaluega i le 45 i le vaiaso ma o lou totogi masani e \$12/i le itula.

O lou totogi e:

45 itula x \$12 i le itula (totogi sa'o) = \$540

+5 itula faapoopo o le ovataimi x \$6 (afa o le totogi masani) = \$30

Aofaiga \$540 + \$30 = \$570

O le OT o loo faailoa mai i le Faamatalaga o le Ototoga o le Totogi ma Vaevaeina i le Vaega o Taimi Totogi. i le faataitaiga lenei, o le Vaega o Taimi Totogi na faailoa mai ai le 45 itula mo tausiga totoni ma le 5 itula OT.

9. Pe o le a totogi a'u OT mo taimi o faigamalga, toleniga manaomia e le DSHS, poo taimi malolo ae totogi (PTO)?

O le a totogi oe OT mo taimi o faigamalaga ma toleniga manaomia e le DSHS pe afai o itula e te faigaluega ai e ova ma le 40 itula. O itula PTO e manatu iai o itula faigaluega, ma e le mafai ona totogia o ni ovataimi (OT).

FAAMATALAGA MO IPS E IAI LE 40 ITULA TUMAU WWL

10. Pe mafai ona ou faigaluega i le silia male 40 itula i le vaiaso faigaluega?

E ono mafai ona e le faigaluega i le silia ma le 40 mo tautua i le vaiaso vanaga ai ua e maua le maliega faapitoa mai le tagata ma'i e ala mai le DSHS ina ia faigaluega tumau mo le 40 itula.

11. Pe mafai ona ou faigaluega e sili atu nai lo la'u WWL tumau mo ni tagata ma'i e silia ma le toatasi?

E ao ona e faafoeina tautua mo tagata ma'i uma i totonu o lau WWL tumau, e tusa lava pe to'ofia au tagata ma'i e te faigaluega ai. Afai e te faigaluega e sili ma le toatasi le tagata ma'i, e ao ona faatulaga ou taimi mo latou taitoatasi ina ia faamautinoa ai faapea, pe a oo ina faapoopoo faatasi ou itula o tautua, o le a e le faigaluega e silia ma lau WWL tumau.

12. O le ā e tatau ona ou faia pe a manao le tagata ma'i o o'u faigaluega ai e faatulaga a'u e faigaluega e sili atu nai lo itula o loo avanoa mo la'u WWL tumau?

- Faamatala iai e le faatagaina oe e galue e sili atu ma lou WWL tumau ma o le faia faapea e manatu iai ua ova tele taimi talosaga e totogi. Taga'i i le #19 mo nisi faamatalaga atili e faatatau i le ova tele taimi talosaga e totogi
- Aua nei e talia ni tofiga e faapogaia ai ona e faigaluega e sili atu nai lo lau WWL.
- Faalaeiau lau tagata ma'i e faaoga se tausima'i faapoopoo.
- Faalaeiau le tagata ma'i e faafesootai lana pule o le mataupu pe afai e faigata i lau tagata ma'i ona malamalama i lau tapulaa pe e lē mafai ona maua se tausima'i faapoopoo.
- Faamolemole taga'i i le #18 i le itulau e 3 mo nisi faamatalaga atili e faatatau i manaoga ua tula'i mai ma manaoga faanatinati.

Pepa o Mea Moni i Ovataimi Mo Tagata Tausima'i Taitoatasi

FAAMTALGA MO IPS E IAI WWL TUMAU E 40.25 ITULA PE SILI ATU FOI

13. Pe mafai ona ou faigaluega i le silia male 40 itula i le vaiaso faigaluega?

Afai e te mauaina se faaaliga tusia mai le DSHS e faapea o lau WWL tumau e sili atu ma le 40 pe iai sou tagata ma'i faapitoa ua talia le faateleina o lana WWL mo sina taimi lē tumau, e mafai la ona e galue e oo atu i le aofaiga o itula oi lau faaaliga.

14. O le ā e tatau ona ou faia pe afai ou te faigaluega e sili atu ma le toatasi le tagata ma'i?

Faamolemole taga'i i le tali oi le fesili #11.

15. E faapefea pe a manao le tagata ma'i o o'u faigaluega ai ia fetuunai o'u itula ina ia faigaluega ai e sili ma o'u itula WWL tumau i le vaiaso e tasi?

E ono mafai ona fetuunai ou itula pe afai e moni manatu uma nei oi lalo:

- O loo iai se manaoga o le tagata ma'i; ma
- O le faigaluega mo itula faaopoopo o le a lē ova atu ai ma itula ua faatulagaina faalemasina mo le tagata ma'i; ma
- O le faigaluega i le vaiaso e tasi e lē i'u ai ina oo atu le tagata ma'i i lona mauaina o tausiga tatau mo isi vaiaso o le masina; ma
- O le faigaluega i le vaiaso e tasi o le a lē faapogaia ai ona e faigaluega e tele atu ovataimi i le masina nai lo le tulaga e tatau ona e mauaina pe ana e faigaluega i lau WWL i vaiaso uma lava o lena masina.

Pe a sili atu lau WWL i le 40, e ono mafai ona fetuunai ou itula pe a e manaomia pe afai o le a e lē faigaluega ai e tele atu ovataimi i le masina nai lo le tulaga masani ona e faigaluega ai. O le aofaiga o ovataimi o le masina ua fuafuaina e ala i le toese o le 40 itula mai i lau WWL ma faatele le numera o totoo o Aso Toonai o lena masina.

Faataitaiga:

O itula WWL o Hose e 46 itula. O le aofaiga o ovataimi faalemasina e mafai ona faigaluega ai Hose e faalagolago i le aofaiga o Aso Toonai o le masina o ia faigaluega ai.

Fuafuaina o Aso Toonai e 5: $46 - 40 = 6 \times 5 = 30$

Fuafuaina o Aso Toonai e 4: $46 - 40 = 6 \times 4 = 24$

E manao le tagata ma'i lea e faigaluega ai Hose ina ia faigaluega i se faasologa e mafai ona fetuunai ao faagasolo le masina, ma e mafai e Hose ona fai pe afai e le faigaluega o ia e sili ma le 30 itula ovataimi i le masina e 5 Aso Toonai, pe 24 itula ovataimi i masina e 4 Aso Toonai.

E ono mafai foi ona fetuunai ou itula ina ia faigaluega ai e sili ma lau WWL pe afai o le tagata ma'i lea e te galue ai ua ia faatauina ni itula ovataimi faaopoopo i la latou Sa'olotoga Fou (New Freedom) poo le paekti o le Veteran Directed Homecare Services.

16. O le ā e tatau ona ou faia pe afai e manao le tagata ma'i lea ou te galue ai e faatulaga a'u e faigaluega e sili atu ma le aofaiga o itula ovataimi faalemasina nai lo itula ia o loo maua i la'u WWL Tumau?

Faamolemole taga'i i le tali oi le fesili #12.

TAPULAA MO MANAOGA FAAPITOA LĒ TUMAU MO LE VAIASO FAIGALUEGA MO LE TAGATA MA'I (CSWWL)

17. O le ā le CSWWL lē tumau?

O le tagata ma'i o loo e faigaluega ai e ono fesili atu i le DSHS ina ia faatelē lau WWL mo se taimi lē tumau pe o sailia foi e ia ni tausima'i faaopoopo ina ia ausia ai o latou manaoga. O le a tali atu le DSHS ia te oe e ala i le meli atu e taliaina pe teena. Pe afai e talia, o le a logoina foi oe e le faaaliga le aso e talia ma amata ai ma faamuta ai ma le aofaiga o itula ua talia. O le a maua foi e le tagata ma'i o e faigaluega ai se kopi. O lena talosaga/tusia o le faaaliga ua ta'ua foi o se talosaga CSWWL. O le a lē talia e le DSHS se WWL lē tumau pe afai e sili atu mai lo itula fuafuaina faalemasina o le tagata ma'i.

Pepa o Mea Moni i Ovataimi Mo Tagata Tausima'i Taitoatasi

MANAOGA UA TULA'i MAI

18. O le ā e ao ona ou faia pe afai ua ou uma ona ou faaogaina a'u itula WWL e galue ai ae ua iai se manaoga ua tula'i mai ma se manaomia faanatinati o le tagata ma'i ma e ao ona faaauau ona ou galue ina ia tausia le soifua malooina poo le saogalemu o le tagata ma'i?

- Nofo ai ma le tagata ma'i seia oo ina saogalemu ma mautu le tulaga.
- A iai se faalavelave faafuasei ua faapea ona manaomia ai tautua faafoma'i mo faalavelave faafuase'i, faafesootai le 9-1-1.
- Faama lou aso faigaluega e le taimi lava e saogalemu ai le faia faapea.
- Faafesootai le pule o le mataupu i le aso faigaluega e soo ai ma faamatala atu iai lea tulaga.

OVA TELE TAIMI TALOSAGA E TOTOGI

19. O le ā le ova tele taimi talosaga e totogi?

E ova tele taimi talosaga e totogi pe a:

- E galue e tele atu itula o tautua i le masina nai lo ia ua faataga oe e saunia; pe
- E te galue i itula e sili atu i lau WWL ia e le'i faatagaina e le DSHS; pe
- Ua ova atu taimi ua e talosaga e totogi i faigamalaga nai lo ia ua faataga e te saunia i le vaiaso faigaluega.

20. O le ā le Gaoioiga Faakonekarate?

O le gaoioiga faakonekarate o se faaaliga ua auina atu e le DSHS ia te oe. Ua logoina oe e le faaaliga e faapea ua e faigaluega e sili atu itula ovataimi mo tautua poo itula tau femalagaaiga nai lo ia na faataga oe e galue ai.

21. O le ā e tupu pe afai oute faigaluega e sili atu ma la'u WWL poo tapulaa mo taimi tau femalagaaiga?

- O taimi taitasi uma e ova atu ai taimi talosaga e totogi, o le a e mauaina se faaaliga tusia o se gaoioiga faakonekarate ma faamatalaga mai le DSHS e faamanatu ai ia oe le tāua o le aua le faigaluega ovataimi e le'i faatagaina. O le a auina atu foi le faaaliga i le tagata ma'i lea e te galue ai faapena ma o latou sui.
- O le taimi lona tolu e tupu ai le ova tele taimi talosaga e totogi, o le a faamuta loa lau konekarate pe ua lē agavaa e totogi mo le 90 aso. Pe a faamuta lau konekarate e ao ona e faatali i le 90 aso a'o le'i e agavaa e maua se konekarate fou.
- Afai e mata'ina pe faifai pea ona sili atu ou itula o lou vaiaso faigaluega poo taimi o faigamalaga faatagaina, e ono faamuta e le DSHS lau konekarate ua lē aoga ma teena le toe osia o se konekarate ma oe.

22. O le ā le umi e tumau ai lenei gaoioiga faasaga i le konekarate i la'u faila mo konekarate?

O gaoioiga taitasi faakonekarate o le a tatala mo le 12 masina mai le aso o le faaaliga o le gaoioiga faakonekarate. A uma le 12 masina, ona tapunia loa lea o le gaoioiga faakonekarate.

23. E mafai faapefea ona ou alofia gaoioiga faakonekarate?

- Faufua mamao i taimi uma lau faasologa o galuega ma tusi i lalo.
- Pe a manaomia e le tagata ma'i ni suiga ma e tataua ona e faigaluega ise faasologa ese e faapea ona aafia ai lau WWL, ia faafesootai vave le pule o le mataupu o le tagata ma'i.
- Faamaumau ou taimi faigaluega i le pepa mo taimi pe a uma lau galuega i aso taitasi, e ono fesoasoani foi le tusi i le pepa o le kalena. Siaki e le aunoa ina ia faamautinoa o loo e iai pea i totonu o lau WWL.
- O loo iai punaoa a le DSHS e mafai ona fesoasoani ia oe ma lau pule o le galuega/tagata ma'i e a'oa'o atili e faatatau i le faafoeina o lau faasologa ma tumau i totonu o lau WWL. E mafai ona maua nei punaoa i le www.dshs.wa.gov/altsa/IPOT.